

Estd. 1983

Reg. No. 386 (MZ)



MARYMA

Ramhlun North YMA Chanchinbu

"YMA thuvawn: YMA chu tanpui ngaite tanpuitu a ni"



YMA thiltum: 1. Hunawl hman that. 2. Zofate hmasawna ngaihtuah. 3. Kristian nun dan tha ngaihsan

Vol. 44

Issue No. 5

Ramhlun North: Ni 31 January, 2026



BRANCH THU THAR

■ B. Lalramthanga (L) pualin ni 26.1.2026 khan a thiante chuan thlan an lai a, RNYMA chuan lawmthu kan sawi e.



SECTION THU THAR

■ **Khuangchera Section:** Pu K. Vanlalzuala te chhungkua, K-Sec. chuan an nu leh pa leh an u; Pu K. Lalrina (L), Pi Rodawli (L) leh Ni. Lalfakzuali (L), te hriatreng nan chair te 30 lai mai Khuangchera Section-te an pe a, an chungah Section hruaituten lawmthu an sawi mawlh mawlh e.



SUB-COMMITTEE THU

■ **Property sub-committee:** Kar hmasa Inrinni khan Chair chhinchhiah a hnatlang neih a ni.

■ **Music sub-committee:** Karleh ni 5.2.2026 (Ningani) zana committee neih tum a ni a, member-te hun remchang lo insiam turin an inngen.

■ **Cultural sub-committee:** Karleh ni 6.2.2026 (Zirtawpni) zana committee neih tum a ni a, member-te hun remchang lo insiam turin an inngen.



CYMA CHETVELNA

■ Chin Pawl Pi hruaitute Central YMA Office ah an lo leng a, Pu R. Lalnghehta President, Pu S.F David Ngursangzuala Asst. Secretary leh Pu M.S Ralte Finance Secretary ten an lo dawngsawng. Chin Pawl Pi te hian Central YMA tanpuina atan Rs. 10,000/- Central YMA ah an hlan.

■ Central YMA hnuai ruihhlo do pawl, CADS 1st Batch, 2026 te chuan ruihhlo hluar zel tur laka mipuite venhimna hna thawk chhunzawmin, Heroin (No. 4) hawng 12 zet an man chhuak. January ni 19 bikah hian CADS te hian Heroin (No.4) Hawng 16 leh Tic Tac bur 100 an man a ni.

■ Bethlehem Vengthlang Branch YMA te chuan Kumpuan hawn Programme an hmang a. Pu R. Lalnghehta President in kumpuan hi a hawng a. CEC member ten an tawiawm.

KUM 2026 SECTION HRUAITU THLANNA TLUANG TAKA NEIH A NI

Ramhlun North, the 31st January, 2026: Ni 30.1.2026 (Zirtawpni) zan khan Ramhlun North Branch YMA hnuai section hrang hrangte hruaitu Office Bearer thlan na tluang taka neih a ni. Inthlan hi nomination felfai tak a siam a nih hnuah post-by-post-a inthlan a ni a, heng kan thlan chhuahte hian an thawhpui tur committee member tur an la ruat leh dawn a ni.

Heng mite hi Section hruaitu atana member-ten kan thlan chhuahte chu an ni:

Vanapa

Leader: Pu R. Lalrinlana
Asst. Leader: Pu David Rinzuala
Secretary: Pu Henry V.L Nghihlova Zote
Asst. Secretary: Pu Malsawmzuala
Treasurer: Ni. Lalngaizuali
Fin. Secretary: Pu Malsawma Khenglawt

Taitesena

Leader: Pu H. Rodinglana
Asst. Leader: Pu K.C Lalramluahpuia
Secretary: Pu John Lallawmawma
Asst. Secretary: Tv. Lalremruata
Treasurer: Ni. Rosangpuii
Fin. Secretary: Ni. V. Lalruatkimi

Chawngbawla

Leader: Pu C. Lalremruatfela
Asst. Leader: Pu Lalremsanga Hnamte
Secretary: Tv. Joseph Lalrinawma
Asst. Secretary: Pu Henry Zosanglana
Treasurer: Ni. Lalrinfeli
Fin. Secretary: Pu Richard Saingura Sailo

Neuva

Leader: Pu John F. Lalrinsanga
Asst. Leader: Pu Lalremsanga
Secretary: Tv. C. Ramnunmawia
Asst. Secretary: Tv. Zongaihsanga
Treasurer: Ni. H. Lalromawii
Fin. Secretary: Ni. R.D Vanlalhmangaihzei

Saizahawla

Leader: Pu K. Vungmanga
Asst. Leader: Pu Issac Zothianghlama
Secretary: Pu C. Lallianzuala
Asst. Secretary: Pu Zodinglana Zote
Treasurer: Ni. Elizabeth Lalnunluangi
Fin. Secretary: Tv. C. Vanlalngahaka

Khuangchera

Leader: Pu H. Lalremruata
Asst. Leader: Pu H. Lalthazuala
Secretary: Pu A. Lalfakzuala
Asst. Secretary: Pu. Vanlalengkawla
Treasurer: Pu Vanengmawia
Fin. Secretary: Pu B.K Lianmanga

Section inkaihruaina in a sawi angin Section hruaitu tharte hian kar khat chhungin charge an inhlam fel ang a, an thawhpui tur Committee Member an ruat ang. Tin, Section tina Leader leh Secretary te hi Branch Executive Committee Member an ni nghal bawng.

YMA KUMPUAN RUIHHLO DO CHUNGCHANG INRAWNKHAWMNA HUN HMAN A NI

Ni 23.1.2026 (Zirtawpni) zan khan Dawrpui Multipurpose Hall ah YMA Kumpuan "RUIHHLO DO" chungchanga hmalak dan tur ah Central YMA buatsaihin Aizawl Khawpui chhunga Branch OB te nen Inrawnkhawmna hun hman ani.

He inrawnkhawmna hun ah hian Branch YMA OB kalkhawmte atangin rawtna hrang hrang ngaihtlak a ni a, hetiang hian hmalakna tur khaikhawm a ni:

1. Ruihhlo Do na atan Aizawl khawpui chhunga Branch 111 te Zone hrang hrang 10 ah inthen nise.
2. Zone huamchhunga Branch te atangin Zone CADS Member tur mi 3 theuh ruatchhuah tur ani.
3. Zone thenfel / siamfel leh Zone hruaitu ruat chu Central YMA hruaituten ruahmanna an siam ang.
4. Zone hrang hrang hmalak tan hun chu Central YMA in ruahmanna a siam ang.

He inrawnkhawmna ah hian Branch 111 atanga aiawh kalkhawm te, CEC Memberte leh Central YMA OB te an tel.



Hruaitu Chak: Zuitu Rintlak

Section hrang hrang hruaitu thar, thahnemngai leh rintlak tak tak kan nei thar hi a lawmawm hle mai. YMA kalphung mawi tak pakhat chu, chanvo leh mawphurhna hi mahni hmasialna vanga bawh huam huam aiin, mahni tlin lohna hriaa huphurh tak chung hruaitu nihna chelh hram hramna hi a ni. Hruaitu tharte hian inngaihlawmna thinlung nena he mawphurhna lian tak an pawm hian an tlawmgaihna rilru thukzia a tarlang a, khawtlang tana an inpekna hi a hlu takzet a ni.

Kan hruaitute hi mihring ve tho an nih angin mimal, chhungkaw leh hriselna lam thlang pawh a harsatna tawh ve thei an ni a. Chuvangin, Pathian hruaina an dawn theih nan i tawngtaipui thin ang u.

Inlungualna hi chakna a nih ang bawkin, hruaitu tha kan neih rual hian zuitu rintlak nih i tum tlat ang u. Hruaitute hian hlawn nei lovin an hun hlu tak khawtlang tan an hlan a, mimal hmasawna aiin khawtlang hlawn leh hmasawna an dah pawimawh zawk thin. Chu an inpekna hlutia chu kan hriatpui a tul hle. Kan ngaihdan leh duh dan a in an loh chang pawhin zahna leh thlawpna thinlung kan put tlat hian inpuhkhatna a thlen thin a ni. Mi pakhat chauh chuan khawtlang a siamtha thei lo va, hruaitute erawh kawng min kawhmuhtu an nih avangin an hnung kan zui tlat erawh chuan hmasawna kan hmu mawh ang.

Kan hruaitute tana kan tih theih hlu ber leh pawimawh ber chu an hmalakna leh ruahmanna hrang hrangte a lo hlavhtlin theih nana lo tawiawm ve hi a ni. Insawiselna hian hmasawna aiin chak lohna a thlen hnem zawk a; futhna leh inthlawpna erawh hmasawna kawng sialtu a ni. Kan branch hmasawna tura ke pen, hruaitute hi i thlawp tlat ang u.

Section hruaitu thlan tharte, Pathianin finna leh hriselna pe che u sela. In mawphurhna tha taka in hlen chhuah theih nan MARYMA chuan duhsakna sang ber a hlan a che u.



BURKHAWNI PA

Burkhawni Pa hi a hming tak hriat a ni lova, a fanu Burkhawni hming chawia hriat lar a ni. Amah hi Ralte hnam a ni. Sailo lal, Vanpuilala Khawliana a lal laia an khaw pa lar a ni. A hun lai chuan Zoram milar pawh a ni a, a lar dan erawh a tha lam a ni vak lo. A huaissen em em a, mite ngaihsan a ni ve. Bawl kual nuam ve tak a ni bawh. Hawtu pawh a ngah hle awm e!

THI MAWH BURI PA

Vawi khat chu feh kawngah feh kal an ding thup mai a, an lo inhnia a. An inhnia chu - Kawngthlang maia Vawmtlak chu 'Burkhawni pa'n a pawt per ngam ang, 'tih leh 'ngam lovang, 'tih a ni. Burkhawni pa chu a lo thlang a, an lo hrih a. Ani chuan, "I ha ka ngam o ving," a ti mai a. Chu chu 'Eng nge ka ngam lovang' tihna a ni a, Ralte tawng a ni. Vawmtlak chu a zuk pawt per mai a, fei inkarah a tla chat mai! A thi lo!

Tum khat leh chu Zawlbuka an mei ai chu a chawh ling vam huam mai a. Chu chu Burkhawni pa'n a thut mit ngam ang tih leh ngam lovang tih an inhnia leh ta a. Burkhawni pa chuan, "I ha ka ngam o ving," a ti leh mai a. Meipui ling vam huam mai chu a mawng hlimin a thut mit leh ta duak mai a! A vaibel a pak mawh mawh mai a ni an ti. A mawng chu a kang nasa em em mai a, a thih phah leh theh a ni. Mahse a thi lo!

Vawi khat leh chu Zawlbuk an sak lain a Tlung an inzawhsiaik leh ta a. A zawh chhuak chiantge chuan a hmawra ding an ke lehlam te an han then kual vei thin a. Mahse chu chu Burkhawni pa chuan zawh chhuak a ti ve tlat lo! A han zawh ve ta a. A zawh chhuah hnuah pen khat a'n pen leh hram pek a! A tla thla ta vang vang mai a ni. A tla na viau a, a thih phah theh a. A thi lo leh tlat!

AN BAWL CHHAN

Vawi khat chu a kawmchhakpa nen an inhau vak mai a. Burkhawni pa chu a thin a ur em em mai a, a mu ta a. Pawnpui hnuaiah ni thum a mu a, a rum a rum mai a. A tuk thum tuk chuan a kawmchhakpa chu a zuk leng dawn a. Burkhawni sumhmuna buh deng

chuan, "Ka pu va lut suh khai, ka pa a thin a la rim em mai," a ti a. Ani chuan, "Chu chen chen thinrim thu awm suh," a ti mai a. Burkhawni'n, "Va lut lui teh suh," a ti chung chung chu a lut lui ta a.

"Buri Pa, chu chen chen thinur tur a ni lo ve; lo tho teh khai, ka tuibur al hi i lo hmuam dun teh ang," a va ti a. Burkhawni pa chu a lo tho lawk a. "I la duh cheu a ni maw," a ti a, a lo vit hlum ta mai a!

Vawi khat dang leh chu a thenawmpa hian a nupui tlan ko turin a tir a. A ko haw zo lova. A thenawmpa chuan, "A hmel tal ka hmu duh a ni," a ti avang chuan chempui a la lawk a, a nupui lu chu a va tan a; a va pe ta mai a! An lungawi leh hlawn si lova, thubuai an nei ta a. Vanpuilala pawh mangang hle a ni awm e. A bengdai thei hram a ni. Chuta tang chuan hmeichhe tlan kotu atan an hmang ta a. Midang kohva haw duh lo pawh Buri Pa an hmuh chuan, "Ka lo haw, ka lo haw ngah," an ti a, an insiam rawk rawk thin!

Khatih hun lai khan Zoramah chi khur a tam lova. Chi teng tur khan a huhovin, zan tam riak nen an thawh chhuak thin. Hla tak tak te pawh an kal fo mai. Chi teng chu an inchuh fova, an insual thin a. Burkhawni pa chu a huaissen avangin a hote nen chuan chi an teng hmasa thin. Mahse a sualpuite a thah thin avangin thubuai nei hian an haw leh thin a! An mahni khaw mi ngeite pawh a thah fo avangin a tawp lamah chuan chi teng pui tur pawh a hmu tawh lo an ti.

Hetia tual a thah fo avang hian lal hnenah phuba lak an dil thin a. Lal chuan, "In thah ngam a thu a ni mai alawm," a ti mai si a. Mahse Buri pa chu tuman an that thei lo. Zana kawngka hnuaia a mut loh leh kawngkaah tuum ruak a tung dul thin a, a rakin tumah an inah an lut thei lova, luh tum chu a man ta fo mai zawk a ni.

Khatia Vawmtlak pawh per te, Zawlbuk tlung zawh chhuah te, Meipui thut te kha a thih theih nana thang an kam a lo ni hlawn a. Amah lah a thi thei chiah bawh si lo. He pa Burkhawni Pa hi a upat hnu chanchin sawi a awm ta lo a ni ang e, hriat zui a awm ta lo. Eng pawh nise Mizoram pa lar zingah chuan a tel ta tho a ni.

E-STARCOMPUTERCENTRE

(MSCTE Govt' Approved Institution)

FREE ADMISSION, 2026

DCA-1&2 (JANUARY TO JUNE) ZIR

DUHTAN

Admission a tih leh theih ta e.

Contact no-8731875084/7005421131

PAN CARD, Aadhaar card download,

Employment Registration, Tribal,

Income, Residential certificate leh In

hmun hming thlak kan buaipui thei theih

bawh e. (5-3)

NEARD-3, OPPOSITE NAZARETH

HOSPITAL, RAMHLUN NORTH

JOHAN'S COMPUTER INSTITUTE (JCI)

(GOVT. APPROVED INSTITUTION)

Near LH Thanga Enterprise, Industry Peng, Ramlun 'N'

Contact No. 7005608874

COMPUTER CLASS (Jan - Jun Session)

FREE ADMISSION OPEN

COURSES:

Timing:

Instructor:

1. CCC; 2. DCA 1st & 2nd Sem

6:30am-8:30am

0:00am-5:30pm | 6:30-9:00pm

C Lalitakunga (Nungte), BE Comp. Sc & Engg.

COMMON SERVICE CENTRE (CSC)

kaltlangin hengte hi kan ti thei bawh

Pan Card | Motor Insurance | Learner's Licence | Triba/Residential/

Income Certificate | Indian Passport | GST Registration | UDYUM Regis-

tration | Inmun Hminghlak (Sales & Gift Deed) | eRAM Revenue

Train Ticket / Flight Ticket booking | Golden Card | Printing / Xerox, Laminare, etc.

Editor: Vanengmawia (7085878827); **Jt. Editors:** A. Lalfakzuala, Lalrotluangi Zote, Henry VL Nghilhlova Zote

Manager: Lalremsanga Hnamte (8974845664); **Asst. Managers:** Zodingliana, Lalrinchhana, Lalrinawma

News Editors: Lalrinluanga, Lalrawmtluanga, Andrew Lalmalsawma, Samuel R. Lalhmangaiha, D. Lianmanga, Vanalremuatpuia Ralte

Circulation Managers: PB Lalhuapzauva, Samuel Lalhlupua, Hmingthanzuala, Vanlalrinkima, R. Zodinsanga,

Zothankhuma, Lalrinchhana, K. Lalmuanpuia

ZIN & HAW

■ Dr. Vanlalhlana, Bialtu MLA chu Kolkata-ah sawrkar thil pawimawh buaipuiin a zin.

■ K. Lalruathlua, S-Sec. chu zirna chhonzawm turin Kolkata lamah a kal leh ta.

■ Pu Lalrampana, K-Sec. chu in checkup turin Kolkata ah an kal.

■ Pu Lalremsiam Khiantge, K-Sec. Central KTP Programme-a Chawngte 'P' a kal chu a lo haw leh ta.

■ NI. Esther Lalmuanpuui, K-Sec. chu a hnathawhna hmun Lallen lamah a kal.

■ Tv. Vanlalrintluanga s/o Pu Rothangpuia, K-Sec. chu a zirna hmun Hyderabad atangin a lo haw.

■ Isaak Lalmuunsanga s/o David Laltlankima, S-Sec. chu IIT, Guwahati event Alcheringa-ah MZU aiawhin a kal.

■ NI. R Lalthanfeli d/o R Lalchhuankima, V-Sec. chu hna chungchanga training turin Delhi-ah a zin.

■ Maj. Jerry Lalrozama, Commanding Officer, Ramhlun CO Bial, V-Sec. rawngbawlna thila Himalayan Division lama zin pawh dam takin a lo haw leh ta

■ Pu Chalthanghlira, K-Sec. NEIGRIHMS, Shillong-ai in check up-a kal chu tun kar khan a lo haw.

LAWMAWM

■ Pu Lalruatlina s/o Pu Lalchhanglana, N-Sec. chu School Education Department hnuaiab Lab Bearer hna a hmu thar.

■ Pu R. Lalbiakkima chu Ste-nographer Grade-I-ah a kaisang a, PS to Additional Secretary, School Education/Excise & Narcotics Department ah a post ang.

■ Pi Lalbiakhluni (Dy. Director, ICT Deptt.) w/o K. Vanlalngbaka, K-Sec. chu ni 30.1.2026 khan Superannuation Pension in a chhuak.

THILDANG

Insawn:

1. RC Zonunmawii te unau chu Pu Laltinkhuma te in C-Sec. atangin Pi Zoramthangi te in, K-Sec. ah an insawn.

2. Tv. Lawmtluangzela te unau chu Pu K. Lalruata te in, N-Sec. atangin Maubawh ah an insawn.

3. Tv. Lalmuankima (L) te chung, V-Sec. chu Republic Vengah an insawn.

4. Pu Lalruaitluanga te chhung chu Pu Lalsanglana (L), C-Sec. te in atangin Pu Lalnunpuia te in, C-Sec. ah an insawn.

LEI PIAH LAMAH

Vanlalngbaki, K-29 d/o RD Rosanga (L), N-Sec. chu ni 29.01.2026 dar 06:00 AM khan a boral a, hemi ni vek chawhnu dar 01:00 ah Ramhlun North Thlanmual, Zemabawh ah vuiliam ani.

Lusun khawhar chhungte thlamuanti Pathianin vengin awmpui zel che u rawh se.

DAMLO

■ T. Ngaihawmi, S-Sec. Synod Hospital, Durtlang a awm chu in lamah inenkawl chhonzawm turin a lo chhuak.

■ Vanlalpekhlui d/o Pu Lallawmsanga, K-Sec. pumna avanga Durtlang Hospital a awm chu in lama inenkawl chhonzawm turin a lo chhuak.

■ Tv. Lalmuankima, S-Sec. chu Nazareth Hospital-ah enkawl mek a ni.

■ Pu K. Lalruata, N-Sec. chu chuapa tui awm avangin Ebenezer Hospital-ah enkawl mek a ni.

■ Pu Lalthanzama h/o Ramdinthari, K. Sec. chu natna hrang hrang vangin Nazareth Hospital-ah enkawl mek a ni.

■ Pu Lalruaitluanga s/o Thangliani, V-Sec. chu natna hrang hrang vangin Nazareth Hospital-ah enkawl mek a ni.

■ Laltlansanga Chinzah s/o Lalmhingsanga Chinzah, N-Sec. chu natna hrang hrang vangin Synod Hospital, Durtlang enkawl mek ani.

■ Pu PB Lalzuithanga, V-Sec. chu Ebenezer Hospital atangin in lama inenkawl chhonzawm turin a lo chhuak.

■ Pi Zoparliani, V-Sec. chu stroke avangin LRM Hospital-ah enkawl mek a ni.

ST. ANTHONY'S HIGHER SECONDARY SCHOOL (7-2) CHALTLANG LILY VENG, AIZAWL

Kum 2026-2027 session atan Class-XI to Class-XII Arts admission kan hawng leh ta e.

1. Kan zirlaite hi Pathian thu nen Discipline tha tak hnuai enkawl an ni. HSLC/HSSLC exam ah Top-4, Top-6, Top-7, Top-9 leh Subject topper te kan nei tawh.

2. HSLC/HSSLC exam-ah result tha tak kan nei thin.

3. Board Exam-a kan zirlai Top Tenner-te ₹ 1,00,000/- leh Subject topper-te ₹ 30,000/- pek thin a ni.

4. Kumtin Study Tour neih thin a ni. Kumin hian Kolkata, Delhi, Chennai kal tum a ni.

Hostel nuam leh changtlung tak a awm bawh e. Ph: 9612131959/9862732487/ 8575827857



KEIMAHNI

■ Advertisement hi vawi khat ah kan chhuah vek seng lo a, hriatthiamna kan han ngen e.

Tin, Advertisement ti duh tan kan Manager, Pu Lalremsanga Hnamte a biak theih reng e.

Ph: 8974845664

LOCAL COUNCIL

■ Ramhlun North Community Hall, Taitea Tuikhur bul ah two wheeler tan garage luah tur a awm a, hrechiang duh tan Pu Rothangpuia, Local Council, Vice Chairman hnenah ngaihaven theih a ni e. Ph: 9436710346

■ Kar hmasa Inrinni leh Pathianni zan khan College Road black topping hna chu zawh a ni a, kawng tha leh tlo kan neih theih nan a enkawl kawngah mipuite tan la zual turin kan in ngen a ni.

■ Vengchhung traffic hmalakna pawh chak taka kalpui zel ani a, kan zavai atan ani tih hria a leithei neituten thuawih taka traffic lam duh dante zawm zel turin kan inngen nawn leh a, kum ding lo lirthei khalh hmuh tur an la awm nual bawh a i fimkhur leh zual ang u

PAWL DANG

■ Mizoram Mistiri Association: Ramhlun North Branch: Kum 2026 Mizoram Mistiri Association: Ramhlun North Branch hruiatu turte:

President: Pu H. Lalfela

Vice President: Pu C. Lahluliana

Secretary: Pu RL Zuala

Assistant Secretary-te:

1. Pu Pu C. Rodinglana

2. Pu Laltanzama

Treasurer: Pu Biakawma

Finance Secretary: Pu Lalbiaksanga Tlaw

■ MHIP: Kum 2026 Ramhlun North MHIP hruiatu turte:

President: Pi Lalmuankimi

Vice President: Pi Lalthapari

Secretary: Pi Rodingpuui

Assistant Secretary: Pi Ngunthanpari

Treasurer: Pi H. Lalthanpari

Finance Secretary: Pi V. Lalmachhuani

■ JAC, RAMHLUN NORTH: Tunkar khan Pi Samawii dawr, K-Sec. Ramhlun East Presbyterian Kohran Biak In thlang ami chu rawk a ni a, an bungraw lak hmuh let ni mah se, a rawktute erawh man an nilo. Rukruk hluar zel karah veng mipuite pawh kan fimkhur thar leh a ngai hle.

■ RSC: ADBBA Division Screening Tournament, 2026 Final ah RSC, Basketball team te chuan 82-72 in College Veng BC hnehin an champion. RSC Basketball team te chuan Mizoram Basket Ball League sang ber hnuai chiah, 'D League' a khel dawn ta a ni. He tournament-ah hian RD Vanlalhmangaiha s/o Rohmingliani, C-Sec. chu MVP atan thlan a ni.

STEPPING STONES

Child Education Centre



(3-1)

PRE SCHOOL & DAY CARE

Age - 2 to 5 years

Admission Open

for 2026-2027 session

Contact - 9612358041/8787487732
Ramhlun North, Aizawl



ARTICLE

A WALK TO REMEMBER

- Jeffrey-a pa 300120260633

Cowboy ho pawh thing tuai lukhama an muthilh mai thin kha maw, tiin thing tuai lukhama an mu a, ka muhil ta mai reng a. Tukkhum kham lutuk avangin ka harh hlalw a, ka phone ka'n en a, zan dar 11:00 chauh mai a lo la ni a, thing tuai ka khamlai chu dah sawnin peih lo chungin ka rawksai (rucksack)-a ka ah ka lukham ham puar theih chu ka ham puar a, ka muhil leh ta bawrh bawrh a, ka harh leh meuh chuan zing dar 4:00 a lo ri duai tawh a, ka thianpa'n thingpui a lo chhuang mek a.

Kan riahna hmun hi Theichangbung a ni a, he mi hmun thlang tur hian kawngpui atangin kein chawhnu pum kan kal a, kan riahna hmun tur kan thlen vele rawng kan bawl sawk sawk a, zan dar 8:00 a rik meuh chuan tih tur dang awm hek lo, kan mu ta kha a ni mai a.

Tukthuan ei khamin muangchang lovin kan insiam sawk sawk a, kan puak phurh kan pua a, kan kal leh ta tauh tauh a. Nilengin ngaw hnuaiah kan kal a, kan hmanhmawh lem lo va, kan chawh khaw muang hran lo bawh.

Ngaw chhungah khua a thim hma tih kan hriat avangin tlai dar thum a rik meuh chuan riahbuk sual mai a tha, tiin mual pawng lai kan sam fai thuak thuak a, changel hnah kan phah kual a, mutna tur kan nei ta phawt a. Kan mutna bul maiah rawng kan bawl a, khuain min thim hnan palh ang tih mawlh mai kha kan hlau a, chaw kan chhum a, dal hang kan siam a, chi kan hmeh a, a ei theih viau tho.

Ka tui chaw kawngah tarpilu ka hmu a, kan riahna hmunah ka pawm chho a, kan riahna bul maiah ka mut a, phone signal kan nei lo va, thlasik lai a nih avangin a vawt vur mai bawh nen dar sarh a rik chuan kan mu fel der tawh.

Eng thawm emaw niin min tiharh a, ka hmeh en pahin ka'n en kual a, eng mah phei chu ka hmu lo va. Kan mut hmaa kan meipui chheh a lo rem duak tawh a, ka'n thawlh tha leh sawt sawt a, khua var tawh mai tura ka rin avangin ka'n thu deuh ren rawn a, mahse dar 12:00 chauh mai a lo la ni leih leih si a, ka mu leh ta a.

A ngai tein zing dar 4:00 velah eirawng kan bawl leh a, zan lam angin a dal hang chhum ngawt hmeh tawh lovin alu kan kang vei sar sar a, a ei theih leh viau.

Tukthuan ei khamah kan kal leh ta ngat ngat a, kan ei tur pai kan ei thawl tawh avangin kan puak phurh a zang ta viau a, kan kal zawng a, kan bel ah inkhak ri leh ruih ruih thinin khua a tihar lo viau.

Mahse, vanduaithlak takin ka pheikhawh ka chhuih ang a, kal a harsa ta viau mai a. Pheikhawh hrui phelhin ka tawnkhawm ta ringawt a, tlein a zia. Kawng kham zawngin thingtuluang a lo inkham leh ruah mai thin a, chu mi kan chu ka ning ber. Hniam deuh, a chungah lawn kai mai theih kha chu a zia, a chungah lawn phak chiah si loh avanga a hnua bawhvah ngai kha a ninawm ka ti hle.

A ni hnihna ang thovin a ni thumnaah chuan tlai dar thum velah bawh kan riah tumna Tuirial kam kan thlang ta hlalw a, riahna tur thlam tha angren tak a lo awm leh zel nen, Tuiriala kan zuk inbual bawh bawh hnu phei chuan hah a dam ta huai a.

HNARUAK

(2-1)

PES Ramhlun North-ah a hnuaia tarlan ang hian hna a ruak a, a duh tan dil theih a ni e.

1. Hindi Teacher - 1. Thiamna - HSSLC (Gen.) Trained Graduate (Hindi Major/Hindi as one of the subjects)

Hlawh - ₹ 20,000/-pm

2. Peon-cum-Chawkidar - 1. Thiamna - Class VIII pass

Hlawh - ₹ 10,000/-pm (Chenna In, tui leh eng man chawh ngai lo)

3. Dilna chungchang

1. Dil theih hun chhung ni 2-18.2.2026

2. Personal Interview hun: Ni 4.3.2026 (Nilaini) 10:00AM

3. Hindi Teacher diltute tan ni 20.2.2026 (Friday) ah Written Test neih tur a ni. A hmun: KTP Room, Ramhlun North

4. Dilna form siam sa hmanga dil tur a ni a, Form hi School hun chhungin ₹ 10/- a lei tur a ni ang.



ADVERTISEMENT

JM SEPTIC TANK SERVICE

Septic tank khat paih fai, comode block, pipe fit, soak pit tha lo leh a thar pawh kan siam thei reng e. Kan sullhu a fel fai a, service hlun leh rintlak kan ni e.

Rate: inbiak remna.

(10-3)

Registration: MRS 542

Contact: 9862476439

KHIANGTE SEPTIC TANK SERVICE

Septic Tank khat paihfai, Comode Block, Soak pit, Pipe Fitting, Repair engkim, khur chhung lutin, a neitu te lungawi na thlap in kan thawk thei e thawk thei e

(20-15)

Contact - 9862344971 Bawngkawn South

L.R SEPTIC TANK SERVICE

Septic tank paihfai, pipe fitting, Commode block, soak pit repair leh a khur repairing engkim kan thawk thei e.

RATE : INBIAKREMNA

7630842234/7628867799

(20-5)

HOLY CHILD SCHOOL, RAMHLUN NORTH

OPEN ADMISSION FOR 2026-2027

Kum 2026-2027 session atan Holy Child School ah Nursery leh KG lut turte tan Admission hawn a ni leh dawn a. Ni 2 February, 2026 atangin School ah admission a tih theih ang.

Hrechiang duh tan a hnuaia Phone number tarlan ah hian zawhfiah theih reng a ni.

9436154080 holychildschool143@gmail.com



(5-2)

NEUHOF SCHOOL ADMISSION OPEN FOR 2026-2027

Kum 2026-2027 session atan Neuhof School-a LKG to Class IX (Day Scholar lel Hosteller) lut thar turte tan Admission hawn a ni leh dawn a, Ni 2 February 2026 atangin Prospectus lak chhuah theih a ni ang.

Admission ti tur tana hriattur:

* Second Term Exam-a 60% chin hmute tan

* Direct Admission a tih theih ang.

* Middle leh High School tan Written leh Personal Interview a awm ang.

* Primary Section (LKG - Class IV) tan Personal Interview a awm ang.

* Written leh Interview hi ni 14 February 2026 (Saturday) ah neih a ni ang.

* Result hi ni 18 February 2026 (Saturday) ah tar chhuah a ni ang a, hemi ni atang hian Admission tih tan theih nghal a ni ang.

Activity hrang hrang ngaih pawimawhna hmun; Smart Classroom bakah Counsellor-in a awm chilhna hnuaiah ngei i fate rawn luhtir ve rawh le.

Contact: 8414048036

(3-3)



CAMFORD JUNIOR HIGH

Ramhlun Venglai, Aizawl

(2-1)



ADMISSION NOTICE

Admissions open for the 2026-27 session for Nursery to Class- VIII

*Nursery students should be 3 years

*LKG students should be 4 years

Contact- 8575221396

Sd/-

Principal

Camford Junior High